

Glór Cheatharlach

Gach eolas ar imeachtaí Gaeilge ó:
 Glór Cheatharlach, Sráid an Choláiste, Ceatharlach
 (059) 9158105 / (085) 1340047
 eolas@glorcheatharlach.ie www.glorcheatharlach.ie
 Cuardaigh Glór Cheatharlach ar Facebook!

Sábháilteacht an tSamhraidh

Tá séasúr an tsamhraidh faoi lán seoil agus fáiltíonn gach éinne roimh an aimsir bhreá, aoihbhinn taitneamhach atá againn le tamall anuas. Leis na scoileanna go léir dúnta agus an iliomad campaí samhraidh ag teacht chun deiridh tá teaghlach ag pleanáil cúpla seachtaine a chaitheamh le chéile ar laethanta saoire sa bhaile nó thar lear. Moltar dúinn go léir a bheith an-aireach i rith na tréimhse seo ach go háirithe agus béim an-mhór a leagan ar shábháilteacht ar na bóithre agus ar shábháilteacht uisce. Ní foláir dúinn a bheith san airdeall de shíor. Tá an t-uafás tragóidí agus timpistí tar éis tarlú do dhaoine agus iad ar a laethanta saoire cheana féin an samhradh seo. Seo paidir álainn ón mbéaloideas gur féidir a rá le haghaidh sábháilteacht an samhraidh seo:
 Dia idir mé agus uisce mo bháite,
 Dia idir mé agus taise bóthair,

Dia do mo stiúradh, Dia do mo shaoradh,
 Dia do mo sheoladh,
 Agus Dia do mo shábháil ar muir is ar tír.

Gluais:..... **Glossary:**
 sábháilteachtsafety
 séasúrseason
 taitneamhach.....pleasant
 teaghlach.....families
 tréimhse.....period
 go háirithe.....especially
 san airdeall.....alert
 béaloideasfolklore
 taiseaccident
 ar tíron land
 ar muiron sea

Lá San Svaítín

Amárach an 15ú Iúil agus thar aon oíche eile i gcaitheamh na bliana beidh daoine ag faire amach anocht do réamháisnéis na haimsire. Cén fath, a deir tú? Bhuel de réir an tseanchais, má bhíonn an ghrián ag taitneamh ar an 15ú Iúil beidh daichead lá de laethanta geala againn gan braon báistí. Farair má bhíonn sé ag cur báistí amárach leanfaidh sé ag clagarnach go ceann daichead lá eile!
 B'fhéidir nach gá béim róthábhachtach a leagadh ar an bhfinscéal áirithe seo áfach mar de réir an leabhair Red Sky at Night, le Jane Struthers, rinne stáisiún meitéareolaíoch taighde caoga cúig huairé ar an teorric agus cruthaíodh arís agus arís eile nach raibh aon fhírinne ann.
 Is cosúil gur theastaigh ó Naomh Swithin, a bhí ina Easpag i Winchester sa Bhreatain, a bheith curtha in uaigh faoin aer ag briseadh leis an nós go mbíodh easpaig adhlactha istigh san Ardeaglais. Naoi mbliana tar éis a bháis do rinneadh iarracht a chorp a aistriú isteach san Ardeaglais ach thosaigh sé ag stealladh báistí gan stop gan stad agus shéid stoirm mhór ag cur deireadh leis an iarracht.
 Ní foláir dúinn is cosúil a bheith sásta le pé sórt aimsire a sheolann Dia chugainn ag coiméad i gcuimhne go bhfaigheann foighne fortacht. Pé scéal é b'fhéidir



gur fiú an phaidir seo ón mbéaloideas a rá agus cá bhfios cad a tharlóidh!
 Báisteach ó Dhia chugainn ach gan í a bheith fliuch,
 Cuid an lae amárach go dtite sí anocht!

Gluais:..... **Glossary:**
 amárachtomorrow
 réamháisnéisforecast
 seanchastradition
 clagarnachclattering
 daicheadforty
 taighderesearch
 finscéal.....legend
 uaighgrave
 foighnepatience
 fortachtsuccour
 béaloideasfolklore

Bí réidh do Ranganna Gaeilge an fhómhair



Tá an-áthas ar Ghlór Cheatharlach a fhógairt go bhfuil na socruithe in áit agus go mbeidh Cúrsaí Gaeilge do dhaoine fásta ar fáil i gCeatharlach sa fómhar. Is í seo an t-ochtó bliain de na ranganna ar siúl i gcomhar le Gaelchultúr. Tosnóidh na cúrsaí an tseachtain dar tús 21ú Meán Fómhair agus beidh ranganna ar oíche amháin sa tseachtain ó 7.00-9.00i.n. ar feadh deich seachtaine.
 Mar is gnáthach cuirfear cúrsaí ar fáil ag bun agus meán leibhéil. Ag braith ar éileamh déanfar cúrsa ar ard leibhéal a sholathar chomh maith. Is ar an Luan a bheidh na bunchúrsaí ar siúl agus beidh na meán leibhéil ar an Mháirt. In oifigí Chomhairle Chontae Cheatharlach ar Bhóthar Átha Í a bheidh na ranganna go léir ar siúl.
 Daoine gur mhian leo freastal ar chúrsa agus nach bhfuil cin-

nte cén leibhéal is fearr a d'oirfeadh dóibh is féidir leo an Triail Ghaeilge ar líne atá ar fáil saor in aisce ar shuíomh idirlín an chomhlachta www.gaelchultur.com a dhéanamh. Táille €180 atá ar na cúrsaí agus tá clárú oscailte ar líne anois nó is féidir glaoc a chur ar 01 4845220. Tá gach eolas ar an suíomh dátheangach. Is féidir na sonraí uile a fháil freisin ó Glór Cheatharlach ar 087 2857048, 085 1340047 nó scríobh chuig eolas@glorcheatharlach.ie

Gluais:..... **Glossary:**
 socruithearrangements
 leibhéallevel
 táillefee
 saor in aiscefree of charge
 clárúregistration
 ar líneon line
 dátheangachbilingual

Teach an Phiarsaigh i Ros Muc



Thug an Taoiseach Enda Kenny cuairt ar Theach an Phiarsaigh i Ros Muc, Conamara le déanaí chun an chéad fhód a chasadh ar shuíomh Ionad Cultúir an Phiarsaigh a thógfar gar don teach stairiúil. Tá Ionad an Phiarsaigh ar cheann de na tograí Stáit atá á mbeartú do Chomóradh Éirí Amach 2016 an bhliain seo chugainn.
 I gcroílár Éire 2016: Clár Chomórtha Céad Bliain beidh réimse gníomhaíochtaí agus ócaidí éagsúla a bheidh dírithe ar imeachtaí na bliana 2016 a chomóradh agus a cheiliúradh. Beidh an Rialtas ag tacú le seacht dtionscadal capítail suntasach in am don chomóradh ins measc Ionad Léirmhíniúcháin Ard-Oifig an Phoist, Priosún Chill Mhaighneann, Dún Richmond, an Ceoláras Náisiúnta, an Músaem Tionóntain, an Chartlann Mhíleata agus Teach an Phiarsaigh. Forbrófar an tIonad Cultúrtha ag Teach an Phiarsaigh ina dtabharfar léargas ar an nGaeilge, ar chultúr na Gaeltachta agus ina ndíreofar ar Phádraig Mac Piarais agus ar an mbaint a bhí aige le Ros Muc i gceartlár Ghaeltacht Chonamara.
 Tar éis dó an fód a chasadh don Ionad

Cultúrtha, dúirt an Taoiseach go mbeadh inní agus buairt ar Phádraig Mac Piarais faoi chúlú na Gaeilge le céad bliain anuas. Dúirt sé go raibh an Piarasach an-dílis don teanga agus do thraidisiún na Gaeilge. "Ba mhaith linn go léir go mbeadh mianta an Phiarsaigh i dtaobh na teanga, an chultúr agus na hoidhreacht a gcroílár an chomóraidh ar 2016," a dúirt an Taoiseach. D'aontaigh sé áfach go bhfuil dúshlán mór amach ar aghaidh mhuintir na hÉireann i dtaobh na Gaeilge céad bliain tar éis Éirí Amach na Cásca, 1916. Bímís ullamh chuige!

Gluais:..... **Glossary:**
 fód.....sod
 tograí.....projects
 Éirí Amach Rising
 croílár.....centre
 forbrófar will develop
 cúlú.....decline
 dílis.....loyal
 mianta.....wishes
 dúshlán.....challenge
 ullamh.....ready